

Биыл еңбек адамына деген құрмет пен сый көрсету мақсатында мемлекет басшысы «Жұмысшы мамандықтар жылы» деп жариялағанын білеміз. Уәден шығып үрдісті бұзбау үшін әр жетістіктің артында еңбектің тұрғанын насихаттау – біздің міндет. Шынында, кез келген істі бастағанда ең бірінші ынта мен талап керекті анық. Осы орайда бүгінгі кейіпкердің жолы бөлек.

Қаламызда құрылыс қарқыны көз қуантады. Жаңа ғимараттар мен тұрғын үйлер бой көтеріп жатқанда сол құрылыстың биігінде жұмыс істейтін қраншылардың еңбегі туралы ойлай бермейтіміз шыныдық.



БҰЛ МАМАНДЫҚҚА ШЫДАМ МЕН ТӨЗІМ КЕРЕК

Шетелдерге шыны экспорттап отырған шыны зауыты туралы естіген шығарсыз. Онда күніне 10 вагоннан астам өнім Ресей, Өзбекстан, Қырғызстан мен Тәжікстанға шыны жеткізіледі. Сол зауытта 3 жылдан бері еңбек етіп келе жатқан Мелеу Ерболұлы қранды тізгінен келеді.

– Барлық назарың алдындағы іліңген жүкте болуы керек. Себебі ондаған тонналық жүк төмендегі жұмысшыларға қауіп төндірмеуі тиіс. Ең алғаш жұмысқа келгенде тәжірибе болмаған соң, тек ағаш жүктерді көтеріп жүрдім. Уақыт өте келе ынта қойып, 1-2 айдың ішінде үйреніп алдым, – дейді ол.

Жұмысқа келген жігіттердің көбі шыдамаған соң жұмысқа тұрақтамай шығып кетеді екен. Себебі қран айлау оңай жұмыс емес. Ол қран айлау үлкен жауапкершілік екенін айтады.

– Қраншының басты қасиеті – шыдамдылық. Өткен жылы жаз айында бірнеше жігіт жұмысқа келді. Бәрі тұрақтамай шығып кетеді. Қазір қасымдағы көмекші жігіт екеуміз күніне 10 вагон шыны тиейміз, – дейді кейіпкеріміз.

Қраншы Мелеу кез келген істі қолға алғанда еңбек пен табандылықтың жетістікке жеткізілетінін түсінген. Жұмыстан бос уақытында көлік бояу ісімен де айналысады.

Ағам соғылған көлікті қалпына келтіру мен көлікті бояу ісімен айналысамын. Қызылорда соң оған өзін сұранып барып үйреніп алдым. Алғашында ақысыз жұмыс істеп, көлік бояу өнерін менгеріп алған соң өзін бөлек кәсіп етіп жүрмін. Қазір жалға орын алып, халыққа қызмет көрсетудемін. Аз-аздап түскен ақшаға бояу құралдар мен аппараттар да сатып алдым дейді, – Мелеу Санак.

Думан КЕҢШІЛІК



Ақмешіт

Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

4 наурыз
сейсенбі
№17 (2130)
2025 ЖЫЛ

апталығы

ДИҚАНҒА КӨМЕК

Көктемде жер жырттып, дән сеуіп, жазда мол өнім жинау – диқанның арманы. Халықты азық-түлікпен қамтамасыз етіп отырған бұл кәсіп түрі еңбекті талап ететіні сөзсіз. Ауа-райының ыстығы мен суығына қарамастан жердің жайын ойлаған шаруаларға мемлекеттің де қолдауы ерекше.

Өткен жылы республикадан аграрлық саланы қолдауға 26,6 млрд теңге бөлінді. Оның ішінде субсидиялауға бөлінген 16,8 млрд теңге игерілген. Облыста ауыл шаруашылығы өнімдерінің экспорттық әлеуеті де артып келеді.



Облыстық ауыл шаруашылығы басқармасының мәліметіне сүйенсек, 2024 жылы облыстан 73 мың тоннаға жуық өнім экспортталған. Әлемнің 17 мемлекеті Сыр өңірінен өндірілген күріш, балық өнімдері, қамыс, күріш қалдығы, қауын, қарбыз тағы да басқа өнімдерін тұтынып отыр. Атап айтқанда, 67 мың тоннаға жуық күріш өнімі Ресей, Беларусь, Эстония, Тәжікстан, Украина, Монғолия, Өзбекстан, Грузия және Ирак мемлекеттеріне жөнелтілген.

Облыстан Ресей, Литва, Қытай, Дания, Нидерланды, Чехия, Германия, Грузия, Румыния мемлекеттеріне 2 200 тоннаға жуық балық жіберілсе, сондай-ақ қамыс өнімі Германия, Дания, Польша және Нидерландыға экспортталды. Ал күріш отырған Ресей өңірінен шыққан 140 тонна күріш қалдығы

мен 384 тонна қызанақ, 1 280 тонна қарбызды тұтынып отыр. Өзбек ағайындар болса 33 тоннаға жуық қой мен ешкі, 20 тоннаға жуық жүзім өнімін бізден алған.

Иә, жоғарыда келтірілген өнімнің бәрі Сыр өңірі диқандары мен еңбек адамының жемісі. Сонымен бірге үкімет тарапынан көрсетілген ерекше қолдауды да атап өткен жөн. Сөзіме дәлел үкімет отырысында да шаруаларға көмек мәселесі қаралды. Үкімет басшысы Олжас Бектенов басшыларға тиімділігі мен жауапкершілігі жоғары диқандарды қолдауға жеңілдетілген несие беруді тапсырды. Астықтың бітік шығуы егіс науқанын сапалы әрі уақытылы жүргізілуіне байланысты. Экономикалық өсуде аграрлық сектордың ерекше орын алатынын атап өтті. Сондай-ақ

үкімет басшысы нарықта сұранысқа ие экспортқа шығаруға болатын және көбірек табыс әкелетін дақыл алқаптарын кеңейтуге басымдық беру қажет екенін айтты.

– Мемлекет егін науқанын ойдағыдай өткізу үшін қажетті шаралардың барлығын қабылдады. Жұмыстарды нәтижелі әрі ұйымдасқан түрде жүзеге асырумыз қажет. Ауыл шаруашылығы министрлігі жеңілдетілген несие жауапкершілігі жоғары диқандарды қолдауға беру қажет. Бөлінген қаражаттың дұрыс жұмсалыуы әкімдіктің бақылауында болуы тиіс. Егіншілерді сапалы және тексеруден өткен тұқым қорымен қамтамасыз ету маңызды. Ол үшін бірінші отандық өндіріштерді ынталандыру қажет, – деді премьер-министр Олжас Бектенов.

2-БЕТТЕ

ҚЫЗЫЛОРДА АСТАНА БОЛҒАНДА

Оқырмандарға белгілі, бұған дейін облыстық мұражай қорында Қызылорда астана болған жылдары өңірдегі баспаханадан басылған кітапшалар сақталғанын жазған едік. Өлкетанушы Байзақ Жұмабайұлының төте жазудан қазақ тіліне аударған кітапшалардың қатарында Смағұл Сәдуақасовтың «Ұлт театры» атты еңбегі де бар. Қызылордада ұлт театрының негізі қаланып, алаш «Алтын сақина» негесінің қойылғаны, жалпы ұлт театрының негізін қалаудағы қиындықтар жайын баяндаған бұл еңбек ұлт тарихы үшін құнды екені даусыз. Музей қорында тарихтан сыр шертер талай еңбек бар екені даусыз. Біз де алтын көмбеге жолыққандай құанып, кітапшаны суретке түсіріп алып, жариялағанды жөн көрдік.

Қызылорданың Астана болғанына гасыр толған жылда бұл кітапшалар кітап болып басылып шығып, кітапханаларда тұрса құба-құп.

Редакциядан

ҰЛТ ТЕАТРЫНЫҢ НЕГІЗІ ҚАЛАЙ ҚАЛАНДЫ?

Ұлт театры

Театр

Басқармдан
Бұл кітапша Смағұл жолдастың «Еңбекші қазаққа» жазған мақалаларынан құралды. Еуропа елдерінде театр мәдениетінің үлкен бір кесегі театр арқылы Еуропада мыңдаған, миллиондаған халық тәрбиеленеді.

Қазақ арасында төңкерістен кейін театр кітаптары жазыла бастады. Бірақ бұл күнге дейін біздің түпкілікті жасалған театрымыз болмай келді. Сондықтан бұл жұмыс қалың жұртқа әлі таныс емес.

Қазақстанның Халық ағарту комиссарларының шақыртуы бойынша осы күні Қызылордада отыз шақты қазақтың артистері жиналып отыр. Бұлардың алғашқы аяқ алысына қарағанда бізде де кешікпей өнер театры орнайды деген үміт бар.

Қазақстанның Халық Ағарту комиссарларының шақыртуы бойынша осы күні Қызылордада отыз шақты қазақтың артистері жиналып отыр. Бұлардың алғашқы аяқ алысына қарағанда бізде де кешікпей өнер театры орнайды деген үміт бар.

Жаңа жасалғалы отырған игілікті іс пен аз да болса, оқушыларымызды таныстырмақ ниетте мен «Еңбекші қазақтың» кітапханасының екінші нөміріне осы кітапшаны ұсынып отырмын.

«Еңбекші қазақ» басқармасы.

«Театр» дегенді елдің көбі білмейді. Театр еуропа тілі, біздіңше айтқанда театр ойын деген сөз. Бірақ театр осы күнгі қазақтың Алтыбақан тебетін ойыны сықылды емес. Театр қазақтың қыз ойыны, шілдеханасына ұқсамайды. Театр деп қазақтың тойын, балауан күресін де айтуға болмайды.



Олай болғанда театр өмірде жоқ, бірдеме шығар? – дер біреу.

Жоқ, олай емес. Театр өмірдің ойыны. Театр тұрмыстың ойыны. Театрдың ішінде тойды да, шілдехананы да, қазақ ойындарын да көруге болады.

Бірақ театр ойынының тәртібі өзгеше. Біздің қазақта қандай театр тууы мүмкін?

Театр бізде қандай болуы керек, ойнаушылары кім, ойнайтындары не? Осы туралы біраз сөйлейік. Осы күнгі біздің көріп біліп жүрген театрымыз отырықшы елде, отырықшы елдердің ішіндегі үлкен қалалар сөзсіз театры тілеп тұрады. Қаланың мәдениеті, қаланың тұрмыс жағдайы театрды еріксіз туғызады. Үлкен қалаларда театры көрушілерде көп. Бір күні біреуі келсе, екінші күні біреуі келеді, көпшіліктің арқасында театр күн сайын кісісіз болмайды.

Мәскеудегі «Үлкен театр» партиялары екі «ұлт партияларына» кезек тимей қалатын да уақыт болды. Театрға бару үшін кей кезде неше күндей шереткеде тұрады. Әрине, біздің қазақ тұрмысында мұндай кәлді әзір күтуге болмайды. Бізде әлі үлкен қала жоқ. Қала мәдениеті жаңа туудың алдында. Құр ауызды толтырып айтқандағымыз. Қазақстанда театр бір күнде жасалмайды осы бастан талаптанбасақ, соңырағы күні жақсы театр аспаннын келіп түспейді. Театрды жасауға болады. Еңбектенсе істемейтін нәрсе жоқ.

3-БЕТТЕ

Олжас НАРЫМБЕТОВ, дінтанушы:

ОЛАР ҮШІН САУАТСЫЗ МЫҢ АДАМ ТАРТҚАННАН САУАТТЫ БІР АДАМДЫ АРБАҒАН АРТЫҚ



Дін – қоғамдағы әлеуметтік-мәдени саланың бірі. Сондықтан дін сауаттылық пен діни танымды дамыту әрбіміз үшін өте маңызды. Әсіресе жастардың деструктивті ағымдар жетегінде кетпеуі үшін не істеуге болады? Алдын алудың қандай алғы шарттары бар? Осы тақырып төңірегінде Қызылорда облысы дін істері басқармасы «Дін мәселелерін зерттеу орталығы» КММ-нің дінтанушы маманы Олжас Нарымбетовпен сұхбаттасқан едік.

жауапкершілікпен қарау маңызды. Діни проблеманың алдын алуда осы жауапкершілікті тек дін саласының мамандарымен емес, жалпы қоғам болып атқаруға.

– Жат ағым өкілдерінің негізгі белгілері қандай?

– Жат ағым өкілдерінің бірнеше белгілері бар. Әуелі сыртқы бейнесінен, яғни киім кию үлгісі және түр сипатынан аңғаруға болады. Ер азаматтардың ұзын сакалды және шолақ балақты болуы. Әйел азаматшалардың толықтай кара жамылып киінуі секілді сипаттарынан білеміз. Екіншіден, қоғамда тек өздерін ғана ақиқат жолындамыз деп есептейді. Басқаларға адасқандар деп үкім шығарады. Қоғамдағы дінбасыларға және имамдарға бағынбайды. Оларды да адасқан және білімсіз деп санайды. Еліміздің дәстүрлі сенімі мен мәзһабтарды жоққа шығарады. Адамдарды «тура жолдағылар» мен «адасқандар» деп екі топқа бөліп қарастырады. Ұлттық құндылықтарымызды, жалпыға тән салт-дәстүрлерді мойындамайды. Зайырлы тұрғыдағы мемлекетер мен шараларды тойлаудан бас тартады. Мемлекетіміздің заңдарын, басқару құрылымдары мен билік органдарын мойындамайды, бағынбайды. Азаматтық міндет болып саналатын әскерге бару немесе вакцина қабылдаудан бас тартады. Ең көп көзге түсетін белгілердің бірі де қоғамдағы әйелдердің құқығын таптауы. Оларға құлдық бір бұйым немесе пайдаланатын зат секілді қарауы. Некелесіп, ұзақ уақыт өтпестен ажырасып, абыройына нұқсан келтіру сияқты себептерін айтақ боларды. Соңғы уақыттарда жат ағым өкілдерінің белгілері жанаша сипатқа ие болғаны жатқандығы байқалауда. Оған мысал ретінде әлеуметтік желілерде психологиялық дайындықтарын қолдана отырып адамдарды адастыруын айтуға болады.

2-БЕТТЕ

